

ղանի փոխարեն: Տախտակի վրայ դրած էին զանազան նկարներ, որոնք պատկերացնում էին, որքան ես կարողացայ հասկանալ, նաևի այս եւ այն մասների առանձին-առանձին գծագրութիւնները: Ասլանը ծերունի արիեստաւորին ցոյց էր տալիս այդ նկարները, բացատրում էր նրանց համեմատական չափը, տարածութիւնը, կազմածքը եւ այլն: Արիեստաւորը ուշադրութեամբ լսում էր նրան: Մի կողմում նստած էր վարպետ Փանոսը, միւս կողմում Բերգէն-Օղլին: Նրանք եւս երբեմն յայտնում էին իրանց կարծիքները:

Երբ Ծովիկը ներս մտաւ, բոլորը, գիշերային այն տարածամ պահուն տեսնելով նրան, զարմացած մնացին: Նա մօտեցաւ հօրը, ինչ-որ փսփսաց նրա ականջին: Հայրը անմիջապէս դուրս եկաւ արիեստանոցից:

Երեւում էր, որ Ասլանը վերջացրել էր իր գործը. եւ նա նոյնպէս երկար չմնաց այնտեղ, նկարները յանձնեց հիւսնին եւ դուրս եկաւ: Մինչեւ սրահը հասնելը՝ նա հարցրեց վարպետ Փանոսից.

– Դուք կարծում էք, որ նա կարող էր լինի պատրաստել...

– Սատանայի համար սօլ կը կարէ թշուառականը, – պատասխանեց վարպետ Փանոսը ծիծաղելով, – ես համոզուած եմ, որ կարող էր լինի պատրաստել: Տասն տարուց աւելի, որպէս աքսորեալ, Անգլիայի թիարաններում աշխատել է: Վերին աստիճանի շնորհալի մարդ է, բացի իրանից, նա հասցրել է եւ մի քանի լաւ աշակերտներ...

Ժ. ՓՈԹՈՐԻԿ

Ջերմ, տօթային գիշերը անցաւ անհանգիստ կերպով. ինձ վիճակուած էր լռել դժբախտ կնոջ աղետաւոր պատմութիւնը: Ասլանը զբաղուած էր հիւսնի արիեստանոցում, նաւաստին եւ վարպետ Փանոսը նոյնպէս անքուն մնացին: Չնայելով այդ բոլորին, առաւօտեան ստիպուած էինք խիստ վաղ վերկենալ, որովհետեւ Ասլանը դիտաւորութիւն ուներ նաւակով Կտուց անապատը գնալ:

Աղօթարանը դեռ նոր էր սկսել պարզօրի, դեռ առաջին անգամ լսելի եղաւ գիւղական ժամատան կոչնակի անհամբեր հրաւերը, երբ նաւաստիի որոտալից ձայնը զարթեցրեց ինձ: Նրա ձայնը զարթեցրեց եւ Ասլանին: Վարպետ Փանոսը դեռ խռմփում էր:

Նաւաստիի կոպտութիւնը բաւական վրդովեցրեց ինձ, տրտնջալով հազնոեցայ եւ գիւղական սովորութեամբ դուրս եկայ փողոցը, այնտեղ բակի դռան առջեւից հոսող առոակի մէջ երեսս լրանալու: Բայց իմ տրտունջը իս-